




2119

07

Broj: 03-1-02-1-293-2/21 BA
Datum: 6.5.2021. godine

Ministarstvo pravde i uprave Kantona Sarajevo
Reisa Džemaludina Čauševića br. 1
71 000 Sarajevo



Predmet: Zahtjev za ocjenu usklađenosti Uredbe o sadržaju i načinu vođenja registra zaposlenih u organima državne službe u Federaciji Bosne i Hercegovine
Odgovor, dostavlja se –

Veza: Vaš akt broj: 03-04-04-6746/21 od 3. marta 2021. godine

Agencija za zaštitu ličnih podataka u Bosni i Hercegovini (u daljem tekstu: Agencija) je zaprimila vaš akt broj i datum Veze, kojim tražite mišljenje u vezi usklađenosti Uredbe o sadržaju i načinu vođenja registra zaposlenih u organima državne službe u Federaciji Bosne i Hercegovine sa Zakonom o zaštiti ličnih podataka ("Službeni glasnik BiH" broj: 49/06, 76/11 i 89/11) (u daljem tekstu: Zakon).

U vezi naprijed navedenog, dajemo sljedeći:

ODGOVOR

U toku 2017. godine, Agencija za državnu službu Federacije Bosne i Hercegovine (u daljem tekstu: ADS FBiH) je dostavila Agenciji obavijest o prijavljivanju zbirke ličnih podataka "Registar državnih službenika Federacije Bosne i Hercegovine" (u daljem tekstu: Registar), u cilju ispunjavanja obaveze prijavljivanja zbirke ličnih podataka u Glavni registar Agencije. U skladu sa članom 14. Zakona, Agencija je izvršila provjeru radnji obrade ličnih podataka u Registru, te je s tim u vezi dostavila mišljenje ADS FBiH broj: 03-1-02-1-980/17 od 6.10.2017. godine.

Zakonitost uspostavljanja Registra je cijenjena u odnosu na osnovne zahtjeve Zakona, prvenstveno princip pravičnosti i zakonitosti.

Provjerom informacija navedenih u obavijesti, tj. evidenciji o zbirci ličnih podataka, utvrđeno je da ADS FBiH obrađuje lične podatke državnih službenika Federacije BiH u elektronskoj zbirci, odnosno Registru, na osnovu Zakona o državnoj službi u Federaciji BiH ("Službene novine FBiH" br. 29/03, 23/04, 39/04, 54/04, 67/05, 8/06, 4/12 i 99/15) i na osnovu Uredbe o registru državnih službenika ("Službene novine FBiH" br. 60/13).

Analizom navedenih propisa je utvrđeno da član 64. stav (2) tačka e) Zakona o državnoj službi, koji je ADS FBiH naveo kao pravni osnov, ne predstavlja jasan i nedvosmislen pravni osnov za uspostavljanje i vođenje Registra. Također, utvrđeno je da Uredba o registru državnih službenika kao podzakonski akt kojim su regulisani određeni segmenti obrade ličnih podataka

u Registru, nije donesena na osnovu ovlaštenja utvrđenog u Zakonu o državnoj službi. Pored toga, mišljenjem je ukazano na nedostatke koje sadrže pojedine norme Uredbe, a odnose se između ostalog, na svrhu uspostavljanja Registra, te odredbe o obradi, čuvanju, zaštiti, objavljivanju i korištenju podataka iz Registra.

Nadalje, mišljenjem je ukazano na nezakonitost obrade jedinstvenog matičnog broja u Registru, koja je propisana Uredbom, a ne Zakonom o državnoj službi. Naime, u skladu sa članom 18. stav (1) Zakona o jedinstvenom matičnom broju ("Službeni glasnik BiH" br. 32/01, 63/08, 103/11, 87/13 i 84/15) je propisano da se obrada ovog podatka može vršiti ako je to zakonom izričito propisano.

U smislu naprijed navedenog, mišljenje Agencije je da je za uspostavu Registra i obradu pojedinih vrsta podataka koji će se vršiti u okviru Registra, neophodan izričit zakonski osnov. Također, potrebno je propisati način vođenja Registra, uključujući osnov i obaveze postupanja državnih organa u odnosu na Registar, te izričit i jasan pravni osnov za donošenje podzakonskog akta i predmet njegovog regulisanja.

U međuvremenu nije bilo izmjena i dopuna Zakona o državnoj službi u međuvremenu, ali je donesena nova Uredba o sadržaju i načinu vođenja registra zaposlenih u organima državne službe u Federaciji Bosne i Hercegovine ("Službene novine FBiH" br. 51/20).

Obzirom da su se primjedbe Agencije odnosile na nepostojanje pravnog osnova u Zakonu o državnoj službi za uspostavljanje Registra i obradu ličnih podataka u Registru, u odnosu na novu Uredbu, Agencija ostaje kod stavova iznesenih u Mišljenju broj: 03-1-02-1-980/17 od 6.10.2017. godine.

Dostaviti:

- Naslovu
- Spis predmeta



DIREKTOR

dr. Dragoljub Reljić